



1674/26

06/3

21

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), člana 57. stav (8) Zakona o izvršavanju Budžeta Unsko-sanskog kantona za 2026. godinu („Službeni glasnik Unsko-sanskog kantona“, broj 1/26), na prijedlog Ministarstva privrede, Vlada Unsko-sanskog kantona na 57. sjednici, održanoj dana 15. 9. 2026. godine, d o n o s i

ODLUKU

o kriterijima i postupku dodjele dijela sredstava
odobrenih u Budžetu Unsko-sanskog kantona za 2026. godinu putem Ministarstva privrede
sa pozicije Kapitalni grantovi drugim nivoima vlasti-oblast turizma

Član 1. (Predmet)

Ovom Odlukom utvrđuju se kriteriji i postupak dodjele dijela budžetskih sredstava (u daljnjem tekstu: sredstva) odobrenih u Budžetu Unsko-sanskog kantona za 2026. godinu putem Ministarstva privrede (u daljnjem tekstu: Ministarstvo) sa pozicije Kapitalni grantovi drugim nivoima vlasti-oblast turizma, cilj, sredstva za implementaciju, pravo učešća i namjena utroška sredstava, kriteriji za raspodjelu sredstava, prijava na javni poziv, način podnošenja prijave, obrada prijava i raspodjela sredstava, ugovor o dodjeli sredstava i rok za implementaciju, izvještavanje o utrošku sredstava, poništenje javnog poziva te stupanje na snagu.

Član 2. (Cilj)

Cilj Odluke je pružanje podrške gradovima/općinama na području Unsko-sanskog kantona (u daljnjem tekstu: Kanton), koje provode infrastrukturne projekte koji će doprinijeti razvoju turizma.

Član 3. (Sredstva za implementaciju)

- (1) Sredstva za implementaciju ove Odluke utvrđena su u Budžetu Unsko-sanskog kantona za 2026. godinu na razdjelu Ministarstva privrede na ekonomskom kodu 615100, razdjel 15, glava 01, potrošačka jedinica 0001, subanalitika FAS005, funkcija 0490 „Kapitalni grantovi drugim nivoima vlasti-oblast turizma“ u iznosu od 500.000,00 KM (slovima: petstotinahiljadakonvertibilnihmaraka).
- (2) Maksimalan iznos sredstava koji se može odobriti jedinici lokalne samouprave iznosi 100.000,00 KM za gradove, odnosno 70.000,00 KM za općine Kantona.

Član 4.
(Pravo učešća i namjena utroška sredstava)

- (1) Pravo učešća imaju gradovi/općine Kantona.
- (2) Sredstva iz člana 3. ove Odluke namijenjena su za finansiranje/sufinansiranje i to:
 - a) izrade projektno-tehničke dokumentacije za izgradnju i uređenje vidikovaca, adrenalinskih parkova i via ferrata sa pratećom turističkom infrastrukturom na području grada/općine;
 - b) infrastrukturnih projekata izgradnje i uređenja vidikovaca, adrenalinskih parkova i via ferrata sa pratećom turističkom infrastrukturom, uključujući dječija igrališta, sportsko-rekreativne sadržaje i parking prostore;
 - c) druge projektno-tehničke dokumentacije od značaja za turističku infrastrukturu;
 - d) drugih projekata od značaja za turističku infrastrukturu na području gradova/općina.

Član 5.
(Kriteriji za raspodjelu sredstava)

- (1) Raspodjela sredstava za projektne prijedloge gradova/općina za koje se utvrdi da ispunjavaju formalno-pravne uslove, da su blagovremeni, potpuni i osnovani, izvršit će se na osnovu sljedećih kriterija:
 - a) Step en razvijenosti grada/općine – projektom prijedlogu grada/općine koji, u skladu sa Uredbom o izradi indeksa razvijenosti u Federaciji Bosne i Hercegovine („Službene novine Federacije BiH“, broj 17/19), spada u V grupu (izrazito nerazvijene jedinice lokalne samouprave), a u cilju osiguranja ravnomjernog razvoja Kantona, dodjeljuje se 1 bod;
 - b) Step en pripremljenosti projekta za realizaciju – projektom prijedlogu za koji je osigurana projektno-tehnička dokumentacija potrebna za realizaciju projekta dodjeljuje se 2 boda;
 - c) Značaj projekta za razvoj turizma – Komisija, formirana od strane ministrice Ministarstva privrede, ocjenjuje značaj projektnog prijedloga za razvoj i unapređenje turističke ponude na području Kantona te projektu dodjeljuje od 1 do 5 bodova, u zavisnosti od procijenjenog nivoa doprinosa razvoju turizma;
 - d) Usklađenost sa strateškim dokumentima – projektom prijedlogu koji je u skladu sa ciljevima, prioritetima i mjerama utvrđenim Strategijom razvoja Unsko-sanskog kantona za period 2021–2027. godina dodjeljuje se 1 bod.
- (2) Ukupan broj bodova predstavlja zbir bodova ostvarenih po kriterijima iz tačaka a), b), c) i d) ovog člana.

Član 6.
(Prijava na Javni poziv)

- (1) Sredstva se dodjeljuju na osnovu Javnog poziva kojeg raspisuje Ministarstvo, a koji će se objaviti na web stranici Vlade Unsko-sanskog kantona (u daljnjem tekstu: Vlada Kantona): www.vladausk.ba.
- (2) Podnosilac prijave prilikom prijave na Javni poziv obavezno dostavlja sljedeću dokumentaciju:
 - a) Popunjen, potpisan i ovjeren Prijavni obrazac (Aneks 1. Prijavni obrazac koji se preuzima sa web stranice Vlade Kantona www.vladausk.ba);
 - b) Izjavu o realizaciji projekta, potpisana i ovjerena od strane podnosioca prijave (Aneks 2. Izjava o realizaciji projekta preuzima se sa web stranice Vlade Kantona www.vladausk.ba);
 - c) Ako postoji partner na projektu ili će dio sredstava biti obezbijeđen od drugih nivoa vlasti, dostaviti dokaz o visini sredstava sa kojima će isti sufinansirati projekat (sporazum o saradnji ili ugovor ili izjavu). Izjava se dostavlja u originalu (potpisana i ovjerena od strane podnosioca prijave) i datum izjave ne smije biti stariji od tri mjeseca od dana objave Javnog poziva. Sporazum ili Ugovor se dostavlja u originalu ili ovjerenoj kopiji i datum ovjere ugovora ili sporazuma ne smije biti stariji od tri mjeseca od dana objave Javnog poziva;
 - d) Kopija dokumenta iz kojeg je vidljiv broj transakcijskog računa na koji će se sredstva doznačiti (ugovor, karton deponovanih potpisa, potvrda);
 - e) Projektni zadatak planiranog projekta (sa prikazom lokacije i katastarskih čestica, vlasništvo ili pravo korištenja lokacije, postojeće stanje na lokaciji, opisa planiranih sadržaja sa okvirnim kapacitetima);
 - f) Projektno-tehnička dokumentacija (ukoliko istu posjedujete).

Član 7.
(Način podnošenja prijave)

- (1) Prijave sa potrebnom dokumentacijom dostavljaju se neposredno na protokol Vlade Kantona ili preporučeno putem pošte, na adresu:

Ministarstvo privrede,
Ul. Alije Đerzeleza 2, 77 000 Bihać
s naznakom:

*Prijava po Javnom pozivu „Podrška gradovima/općinama sa pozicije Kapitalni grantovi
drugim nivoima vlasti-oblast turizma“
„NE OTVARAJ“.*

Na poledini koverta obavezno navesti naziv podnosioca prijave i adresu.

- (2) Rok za podnošenje prijave je 15 dana od dana objave Javnog poziva.
- (3) Neće se uzeti u razmatranje prijave gradova/općina:
 - a) koje su neblagovremene (dostavljene nakon isteka roka određenog Javnim pozivom) i
 - b) čiji projekti nisu u skladu sa namjenom definisan članom 4. stav (2) ove Odluke.

Član 8.
(Obrada prijava i raspodjela sredstava)

- (1) Dostavljene prijave po Javnom pozivu razmatra Komisija koju rješenjem imenuje ministrica.
- (2) Komisija ima zadatak da:
 - a) izvrši analizu ispunjenosti formalno-pravnih uslova pristiglih prijava u skladu s ovom Odlukom i Javnim pozivom,
 - b) sačini listu podnosioca prijava koji ispunjavaju formalno-pravne uslove,
 - c) sačiniti listu podnosioca prijava čije su prijave neblagovremene, nepotpune i neosnovane.
- (3) Komisija uz Izvještaj o provedenom postupku po Javnom pozivu dostavlja liste ministrici. Po odobrenju ministrice, liste se objavljuju na web stranici Vlade Kantona: www.vladausk.ba.
- (4) Na objavljene liste podnosioci prijava imaju pravo prigovora koji se podnosi Ministarstvu u pisanoj formi, u roku od tri dana od dana objavljivanja listi na web stranici Vlade Kantona. O prigovoru odlučuje ministrica. Odluka o prigovoru je konačna. Po okončanju prigovora, ministrica zadržava pravo konačnog odabira projekta za koje ocijeni da će isti imati/dati značajniji doprinos razvoju lokalne zajednice, do utvrđene visine sredstava za implementaciju ove Odluke. Po donošenju konačne liste, Ministarstvo dostavlja Vladi Kantona Prijedlog Odluke o usvajanju Programa utroška sredstava Budžeta Unsko-sanskog kantona za 2026. godinu, budžetski korisnik Ministarstvo privrede sa pozicije „Kapitalni grantovi drugim nivoima vlasti-oblast turizma“, na razmatranje i donošenje.
- (5) Donošenjem Odluke o Programu utroška sredstava od strane Vlade Kantona, Ministarstvo sa odabranim korisnicima zaključuje ugovore o dodjeli sredstava, kojim se regulišu međusobna prava i obaveze. Rok za implementaciju projekta po zaključenom Ugovoru je najduže 24 mjeseca od dana zaključenja Ugovora.

Član 9.
(Ugovor o dodjeli sredstava i rok za implementaciju)

- (1) Ugovor o dodjeli sredstava (u daljnjem tekstu: Ugovor) sadrži: ugovorne strane, predmet i cilj Ugovora, odobreni iznos sredstava i doznačavanje, izvještaj o namjenskom utrošku sredstava, obaveze i odgovornosti ugovornih strana, trajanje i raskid Ugovora i ostale odredbe.
- (2) Rok za implementaciju projekta po potpisanom Ugovoru za korisnike sredstava iz stava (1) ovog člana je maksimalno 24 mjeseca od dana potpisivanja Ugovora.
- (3) Svako korištenje odobrenih sredstava suprotno namjenama utvrđenim članom 4. stav (2) ove Odluke smatrat će se nenamjenskim utroškom.

Član 10.
(Izvjestavanje o utrošku sredstava)

- (1) Korisnici sredstava su dužni pravdati utrošak dodijeljenih sredstava Ministarstva predviđenih za realizaciju projekta. Za sva neopravdana sredstva, Ministarstvo će pokrenuti proceduru povrata i to u iznosu koji je proporcionalan učešću sredstava Ministarstva u ukupnoj vrijednosti projekta.
- (2) Pravdanje će se vršiti sa odgovarajućom dokumentacijom koja se dostavlja Ministarstvu:
 - a) izvještaj o utrošku finansijskih sredstava u kojem će hronološki biti objašnjen tok implementacije projekta potpisan i ovjeren od strane korisnika sredstava,
 - b) izjava gradonačelnika/načelnika o namjenskom utrošku sredstava ovjerena kod nadležnog gradskog/općinskog organa,
 - c) odobrenje za građenje za projekte za koje se aplicira (ovjerena kopija), osim za one projekte za koje u skladu sa Zakonom o prostornom uređenju i građenju („Službeni glasnik Unsko-sanskog kantona“, broj: 12/13, 3/16, 15/20, 10/22 i 23/23), ovo odobrenje nije potrebno, u tom slučaju dostavlja se Izjava gradonačelnika/načelnika da u skladu sa Zakonom o prostornom uređenju i građenju USK-a nije potrebno odobrenje za građenje,
 - d) odluka o pokretanju postupka u skladu sa odredbama Zakona o javnim nabavkama (ovjerena kopija),
 - e) ugovor sa odabranim najpovoljnijim ponuđačem (ovjerena kopija),
 - f) privremene i okončane situacije (ovjerena kopija),
 - g) račune, u skladu sa privremenom i okončanom situacijom (ovjerena kopija),
 - h) kopija izvoda iz banke na kojima su pored uplaćenih iznosa vidljivi dokumenti po kojima je plaćanje izvršeno,
 - i) obaveza isticanja finansijske podrške Ministarstva privrede u svim medijskim i promotivnim objavama, uz dostavljanje press clippinga kao dokaza.
- (3) Rok za dostavu izvještaja je *najkasnije 15 dana od dana isteka roka za implementaciju projekta*, definisan članom 9. stav (2) ove Odluke.
- (4) Ministarstvo zadržava pravo traženja i dodatne dokumentacije i pojašnjenja kod provjere namjenskog utroška sredstava (pismenim i usmenim putem).
- (5) Ukoliko Korisnik sredstava ne dostavi Izvještaj o utrošku sredstava ili nenamjenski utroši sredstva, Ministarstvo pokreće zakonom propisan postupak za povrat finansijskih sredstava.
- (6) O utrošenim sredstvima po ovoj Odluci Ministarstvo će, u skladu sa Odlukom o usvajanju programa utroška, a nakon dostavljanja Izvještaja o utrošku sredstava, izvijestiti Vladu Kantona.

Član 11.
(Poništenje Javnog poziva)

- (1) U postupku po Javnom pozivu Ministarstvo zadržava pravo da poništi Javni poziv u slučaju nepredvidivih okolnosti i više sile, bez obaveze pismenog ili usmenog obrazloženja.
- (2) Ministarstvo ne snosi troškove nastale u vezi sa prijavom na Javni poziv.
- (3) Prispjela dokumentacija će se vratiti podnosiocima prijave samo na pismeni zahtjev u slučajevima utvrđenim u stavu (1) i stavu (2) ovog člana.

Član 12.
(Stupanje na snagu)

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-02-44-1265/2026
Bihać; 15. 9. 2026. godine


PREMIJER KANTONA
mr. sci. Mustafa Ružnić